



UNIVERSITÄTS-
BIBLIOTHEK
PADERBORN

Universitätsbibliothek Paderborn

Libellus Sodalitatis: Hoc Est: Christianarum Institutionum Libri quinque

Coster, Franciscus

Antverpiæ, 1587

3 Pro honore parentum & superiorum.

[urn:nbn:de:hbz:466:1-46553](https://nbn-resolving.org/urn:nbn:de:hbz:466:1-46553)

PRO HONORE PARENTVM
& superiorum.

P R I M V M, vt cogitemus, cuius loco sint superiores, nempe loco Christi, quem representant, quemadmodum imago prototypum. Proinde sicut imagini Christi honorem omnem habemus, aut potius Christo in illa: ita superioribus habendus est honor, talibus imaginibus conueniens, nempe non externa tantum reuerentia, sed obedientia, interno amore, & externo obsequio.

2. Considerare, quanta parces passi sint pro nobis, & quantum onus pro nobis sustineant Superiores. Hoc argumento monebat Tobias filium suum: *Honorem habebis matri tuae, omnibus diebus vite eius. memor enim esse debes, quae et quanta pericula passa sit propter te in utero suo.* Et B. Paulus Hebraeos: *Obedite Praepositis vestris, & subiacete eis. Ipsi enim peruigilant, quasi rationem pro animabus vestris reddituri, ut cum gaudio hoc faciant, & non gemetes. Hoc enim non expedit vobis. Qui tam multa pro nobis sustinent, merito sunt honorandi a nobis.* Nam licet mali superiores de suis subditis sint parum solliciti, non ideo tamen minus onus sustinent reddendae rationis pro nobis: quod eo erit illis grauius, quo negligentius in curam ouium suarum incubuerunt.
3. Considerare mercedem honoris, parentibus & superioribus exhibiti. Si enim illi sint loco Christi: sane quicquid illis praestatur, censeat Christus sibi praestari: sicut, quod fit Lega-

ro, fit Domino Legati. Proinde, sicut mercenarius à famulo nomine heri ad laborem vocatus, mercedē expectat à Domino, pro Domini liberalitate & opibus, non pro conditione & paupertate famuli: ita qui superioribus loco Christi obtemperat, amplissimam meritò expectare potest mercedem, pro diuitiis & liberalitate Christi. Et sicut ditissimus ac liberalissimus princeps, nihil patitur sibi, vel minimum, gratis à quoquam, potissimum verò paupere, fieri: ita Christus nullū opus, quantumvis exiguum, ex obediētia susceptum, sine amplissima mercede relinquet. Qua ex re hæc duo sequuntur: *Primò*, meliorem esse subditorum, quàm superiorum conditionem; vtiliusq. esse subesse, & parere, quàm iubere. *Secundò*, felicissimos esse eos, qui in omnibus suis rebus & actionibus à maiorū obedientia pendent, neq. aliquid agūt vel aggrediuntur, nisi ex superioris voluntate. Sicut namq. vtilissimū est mercenario, nihil operari, nisi ex præscripto Domini (quod enim ex sua volūate agit, non meretur mercedem à Domino, sed quod agit ex Domini præscripto) ita quicquid ex obedientia præstatur, mercedem peculiarem obedientiæ accipiet. Atq. hinc est, quod præcepto de honorandis parētibus promissionem Dominus peculiarem adiunxerit, non solum *Ephes. 6.* præmij post hanc vitam, sed etiam in hac vita: vt ostenderet, se esse illum, qui honoris & obedientiæ mercedem est daturus.

4. Considerare, quàm grauitè punierit

I s. eos

eos Deus, qui parentibus aut superioribus honorem non habuerunt, sed molestiã exhibuerunt, iuxta scripturam: *Quàm magis fame est, qui derelinquit patrem; & est maledictus a Deo, qui exasperat matrem.* Primò: Cham, irriso patre, maledictus est in sua posteritate. Secundò: Esau inobediens parentibus, amisit nobilissimã benedictionẽ. Terriò: filij Heli eodem die perierunt. Quartò: Absalon persequens patrem, ex arboris pendens confossus interiit. Quintò: Chore, Dathan, & Abyron à terra absorpti sunt, propter murmurationem in Moysen. Num. 12. Sextò: Soror Moysis, eadem de causa, lepra percussa est.

5. Intueri reuerentiam Christi, quam habuit, non tantùm patri cœlesti, cui fuit obediens vsque ad mortem crucis; sed etiam Matri & Ioseph. *Et erat* (ait scriptura) *subditus illis.* Matrem suam in hac vita repleuit gratia, & super mulieres omnes benedixit: post hãc vitam autẽ repleuit gloria, & super omnes creaturas collocavit: nempe amicitia Sole, hoc est, gloria Dei: & Lunam, id est, vniuersam Ecclesiam, tam cœlestem triumphantem, quam terrenam militantem, subiecit sub pedibus eius, imponens capiti eius diadema stellarum duodecim, hoc est, dans ei gloriam omnem, quam habent sancti vniuersi in cœlo.